

Broj: 03-02-161/2017  
Sarajevo, 27.4.2017. godine

PARLAMENT FEDERACIJE  
BOSNE I HERCEGOVINE

- Dom naroda-  
gđa Lidija Bradara, predsjedavajuća

Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
SARAJEVO

Primljeno:	27-04-2017		
Org. jed.	Broj	Priloga	Vrijednost
02-02	-	408	147

107

**PREDMET: Izjašnjenje Vlade Federacije Bosne i Hercegovine**

Poštovana,

U skladu sa članom IV.B.3.7.c) (III) Ustava Federacije BiH, a u vezi sa odredbama čl. 180. i 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u prilogu Vam dostavljam **Izjašnjenje Vlade Federacije Bosne i Hercegovine o amandmanima na Prijedlog zakona o izmjenama i dopunama Zakona o radu koje je podnio Aner Žuljević, delegat u Domu naroda Parlamenta Federacije BiH**, a koje je Vlada Federacije Bosne i Hercegovine utvrdila na 100. sjednici, održanoj 27.4.2017. godine.

S poštovanjem,



Prilog: kao u tekstu

**Cc: Federalno ministarstvo rada i socijalne politike  
gosp. Vesko Dreljača, ministar**

BOSNIA AND HERZEGOVINA  
FEDERATION OF BOSNIA AND HERZEGOVINA  
**GOVERNMENT**

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10), a u vezi sa odredbama čl. 180 i 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), nakon razmatranja amandmana na Prijedlog zakona o izmjenama i dopunama Zakona o radu koje je podnio Aner Žuljević, delegat u Domu naroda Parlamenta Federacije Bosne i Hercegovine, Vlada Federacije Bosne i Hercegovine je, na 100. sjednici održanoj 27.4.2017. godine, utvrdila sljedeće:

**IZJAŠNJENJE**  
**o amandmanima na Prijedlog zakona o izmjenama i dopunama Zakona o radu**  
**koje je podnio Aner Žuljević, delegat u Domu naroda Parlamenta**  
**Federacije Bosne i Hercegovine**

**AMANDMAN I**

Član 1. se briše

**IZJAŠNJENJE**  
**Amandman se ne prihvata**  
**Obrazloženje**

Članom 1. Prijedloga zakona o izmjenama i dopunama Zakona o radu predviđeno je da se u članu 19. stav 3. Zakona o radu na kraju rečenice dodaju riječi "osim ako to ovim zakonom nije izričito zabranjeno", na koji način bi se precizirala odredba koja reguliše primjenu povoljnijeg prava radnika kako bi bilo jasno utvrđeno da se ne mogu regulisati prava iz radnog odnosa kolektivnim ugovorom, pravilnikom o radu ili ugovorom o radu suprotno imperativnim zakonskim odredbama. Mišljenja smo da predložena formulacija ne utiče na svrhu odredbe o primjeni najpovoljnijeg prava.

**AMANDMAN II**

Član 7. mijenja se i glasi:

U članu 78. stav (1) mijenja se i glasi:

“(1) Vlada Federacije utvrđuje najnižu plaću na osnovu zakona o minimalnoj plaći uz obavezne konsultacije sa Ekonomsko-socijalnim vijećem.”

Stav (3) mijenja se i glasi:

“(3) Vlada Federacije će na prijedlog Federalnog ministarstva finansija-Federalnog ministarstva finansija u saradnji sa Federalnim zavodom za programiranje razvoja, a uz prethodne konsultacije sa Ekonomsko-socijalnim vijećem, donijeti zakon o minimalnoj plaći kojim će propisati metodologiju izračuna i usklađivanja najniže plaće iz stava (1) ovog člana.”

**IZJAŠNJENJE**  
**Amandman se ne prihvata**  
**Obrazloženje**

Predložena izmjena nije prihvatljiva imajući u vidu vrijeme potrebno za donošenje zakona o minimalnoj plaći, tako da bi se prihvatanjem navedene izmjene stvorila pravna praznina u oblasti utvrđivanja najniže plaće, sve dok takav propis ne bi bio donesen. Prihvatanje predložene izmjene u ovom trenutku bi bilo preuranjeno.

### AMANDMAN III

Član 14. se briše

**IZJAŠNENJE**  
**Amandman se ne prihvata**  
**Obrazloženje**

Mišljenja smo da brisanje predmetnog člana ne bi bilo opravdano, imajući u vidu da je cilj predložene izmjene bio da se predvidi ista novčana kazna za poslodavca koji ne isplati plaću sa pripadajućim doprinosima u roku ne dužem od 30 dana, kao i za sve ostale prekršaje iz Zakona o radu, s obzirom da se dosadašnja zapriječena novčana kazna u iznosu od 10.000,00 KM do 50.000,00 KM u praksi pokazala neprovođivom. Naime, poslodavci koji nisu isplaćivali plaće u zakonskim rokovima, radi nedostatka finansijskih sredstava nisu bili u mogućnosti niti platiti prekršajne kazne u predviđenim iznosima, a čime se otvorio problem eventualnog prestanka rada velikog broja privrednih subjekata.

### AMANDMAN IV

Član 15. se briše

**IZJAŠNENJE**  
**Amandman se ne prihvata**  
**Obrazloženje**

Amandman nije prihvatljiv imajući u vidu da predložena izmjena ne podrazumjeva brisanje u cijelosti prekršajne odredbe za poslodavca koji ne isplati plaću u propisanom roku sa svim pripadajućim doprinosima, nego samo njeno prebacivanje u prethodni član zakona, na način da se predvidi ista novčana kazna za ovaj prekršaj kao i za sve ostale prekršaje iz Zakona o radu, sa obrazloženjem koje smo dali za Amandman III, da se dosadašnja zapriječena novčana kazna u iznosu od 10.000,00 KM do 50.000,00 KM u praksi pokazala neprovođivom.

V. broj: 586 /2017  
27.4.2017. godine  
Sarajevo

